

ხელშეკრულება N ბ 001
სახელმწიფო შესყიდვის შესახებ

ქ. თბილისი

30 დეკემბერი, 2016 წ.

ერთი მხრივ, შ.პ.ს „პრო-სერვისი“, წარმოდგენილი მისი აღმასრულებელი დირექტორის რევაზ ნატროშვილის სახით (შემდგომ - შემსრულებელი) და მეორე მხრივ, სსიპ - ვანო ხუხუნაიშვილის სახელობის ეფექტიანი მმართველობის სისტემის და ტერიტორიული მოწყობის რეფორმების ცენტრი, წარმოდგენილი მისი დირექტორის მოვალეობის შემსრულებელი შოთა ქათამაძის სახით (შემდგომ - დამკვეთი), „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის, საფუძველზე ვთანხმდებით გამარტივებული შესყიდვის პირობებს და ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 წინამდებარე ხელშეკრულების ძალით მხარეები თანხმდებიან, რომ მისი მოქმედების პერიოდში შემსრულებელი დამკვეთის ნების საფუძველზე გაუწევს დამკვეთს 1.2 პუნქტით განსაზღვრულ მომსახურებას.

1.2 წინამდებარე ხელშეკრულების 1.1 პუნქტში განსაზღვრული მომსახურება გულისხმობს: (CPV კოდი: 72415000) დამკვეთისათვის „დომენების“ dns ჩანაწერის შექმნას, 24 საათიან შენახვას - web/mail ჰოსტინგს ინტერნეტში, რისთვისაც დამკვეთისათვის შემსრულებელი მის კუთვნილ UNIX სერვერზე გამოყოფს 20000 მბ დისკურ სივრცეს დომენებისათვის www.lsg.gov.ge, www.library.lsg.gov.ge და www.edu.lsg.gov.ge ამასთან გარანტირებული აფ-თაიმი შეადგენს 99,5%.

2. ხელშეკრულების შინაარსი

მხარეები თანხმდებიან ზუსტად და დროულად შეასრულონ ყოველ ცალკეულ შემთხვევაში ნაკისრი ვალდებულებები.

3. ანაზღაურების წესი

3.1 მხარეები თანხმდებიან, რომ “შეკვეთის” ფასი (ჰოსტინგის 3 თვის ღირებულება) განისაზღვრება 240-00 (ორასორმოცი) ლარით, ერთი თვის ღირებულება, შესაბამისად, შეადგენს 80-00 (ოთხმოცი) ლარი.

3.2 "დამკვეთი" იღებს ვალდებულებას უზრუნველყოს 3.1 პუნქტით განსაზღვრული თანხის გადახდა ყოველთვიურად, შესაბამისი ანგარიშ - ფაქტურის გამოწერიდან 10 სამუშაო დღის განმავლობაში.

4. პასუხისმგებლობისაგან გათავისუფლება

4.1 მხარეები თავისუფლდებიან წინამდებარე ხელშეკრულებით ნაკისრი ყოველგვარი პასუხისმგებლობისაგან, თუ მათი ვალდებულებების ნაწილობრივი ან სრული შეუსრულებლობა გამოწვეულია მათთვის დაუძლეველი ძალის (ფორს-მაჟორის) მოქმედების გამო. ასეთ გარემოებებზე მიიჩნევა: საბრძოლო მოქმედებები, სტიქიური უბედურებები, დივერსია, ხანძარი, ბლოკადა, ელექტროენერჯის კრიზისი, ცვლილებები კანონმდებლობაში და სხვა გარემოებები, რომლებიც შეუძლებელს ხდიან ვალდებულებების ჯეროვან შესრულებას.

4.2 ფორს-მაჟორული გარემოებების მოქმედების დამთავრებისთანავე მხარეებმა უნდა განახორციელონ ასეთი გარემოებების დადგომამდე ნაკისრი ყველა ვალდებულება.

5. მხარეთა პასუხისმგებლობა

5.1 “შემსრულებელი” ვალდებულია: უზრუნველყოს მომსახურების გაწევა 2017 წლის 1 იანვრიდან 2017 წლის 31 მარტის ჩათვლით; განახორციელოს მისი კუთვნილი სერვერების მუდმივი მონიტორინგი და იზრუნოს მათ უსაფრთხოებაზე, მოახდინოს ვებ გვერდის (თუ ასეთი არსებობს) სარეზერვო კოპიის შენახვა ყოველ 1–3 დღეში და ვებ გვერდის არასანქცირებული დაზიანების შემთხვევაში მოახდინოს აღდგენა სარეზერვო კოპიოდან. ამასთან “შემსრულებელი” არ არის პასუხისმგებელი “დამკვეთის” მიერ მისთვის გამოყოფილ ვებ სირცეში გამოყენებული პროგრამული უზრუნველყოფის უსაფრთხოებაზე.

5.2 “დამკვეთი” ვალდებულია ხელშეკრულებაში მითითებულ ვადებში შეასრულოს 3.2. პუნქტით ნაკისრი ვალდებულებები.

5.3 დამკვეთი იღებს ვალდებულებას არ განახორციელოს სერვერზე:

- იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებიც ეხება რაიმე პატენტს, საჯარო ნიშანს, კომერციულ საიდუმლოებას ან არღვევს მესამე მხარის საავტორო უფლებებს;

- იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებზეც შეიცავენ სპამს (მათ შორის სამიუზი), უცხო ელექტრონულ მისამართებს;

- იმ კონტენტების ჩატვირთვა, გაგზავნა, გადაცემა ან სხვა სახით განთავსება, რომლებიც შეიცავენ ვირუსებსა და სხვა კომპიუტერულ კოდებს, ფაილებს და პროგრამებს, რომლებიც განსაზღვრულნი არიან პროგრამების, კომპიუტერებისა და ტელესაკომუნიკაციო მოწყობილობათა ფუნქციონალური შეზღუდვის, დარღვევისა თუ განადგურებისათვის. ასევე კომერციული პროგრამული პროდუქტების სერიული ნომრების, კოდების, ლოგინების, პაროლების ან სხვა რაიმე ინფორმაციის გამოქვეყნება, რაც ხელს შეუწყობს ინტერნეტის ფასიან რესურსებში არასანქცირებულ ხელმისაწვდომობას, აგრეთვე ზემოთაღნიშნულ ინფორმაციაზე ლინკების განთავსება; საქართველოს კანონმდებლობისა და საერთაშორისო ნორმების შეგნებული დარღვევა;

5.4 მომსახურების ღირებულების დროულად გადაუხდელობის შემთხვევაში შემსრულებელი უფლებამოსილია შეუჩეროს მომსახურება დამკვეთს გადახდის ვადის გასვლიდან 15 სამუშაო დღეში, რა პერიოდშიც ინახავს მის კუთვნილ სერვერზე არსებულ დამკვეთის მონაცემებს (ელ-ფოსტას, ვებ გვერდის ბაზას და ა.შ.), ხოლო წერილობითი გაფრთხილებიდან 15 სამუშაო დღის გასვლის შემდეგ წაშალოს სერვერიდან დამკვეთის ყველა მონაცემი გაუფრთხილებლად.

6. ხელშეკრულების პირობების შეუსრულებლობა

6.1. წინამდებარე ხელშეკრულების მე-5 მუხლის პირველი პუნქტით გათვალისწინებული ვალდებულების შეუსრულებლობის შემთხვევაში, „დამკვეთი“ უფლებამოსილია მიმწოდებელს დააკისროს პირგასამტეხლო ყოველ ასეთ დღეზე ხელშეკრულების ღირებულების 0.07%-ის ოდენობით.

6.2. წინამდებარე ხელშეკრულების მე-5 მუხლის მე-2 პუნქტით გათვალისწინებული გადახდის ვადის გადაცილების შემთხვევაში, „შემსრულებელი“ უფლებამოსილია შემსყიდველს დააკისროს პირგასამტეხლო ყოველ ასეთ დღეზე ხელშეკრულების ღირებულების 0.07%-ის ოდენობით.

6.3. ხელშეკრულებით გათვალისწინებული ვალდებულების შეუსრულებლობის ან არაჯეროვანი შესრულების შემთხვევაში, მხარე უფლებამოსილია ცალმხრივად შეწყვიტოს წინამდებარე ხელშეკრულება და მოსთხოვოს მეორე მხარეს ზიანის ანაზღაურება.

6.4. პირგასამტეხლოს გადახდა არ ათავისუფლებს მიმწოდებელს ძირითადი ვალდებულების შესრულებისაგან.

7. ხელშეკრულების შეწყვეტა

7.1. ხელშეკრულების მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს წინამდებარე ხელშეკრულებით ნაკისრი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

7.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით განსაზღვრული ვალდებულებების შესრულებისაგან.

7.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

8. კონფიდენციალურობა

შემსრულებელი იღებს ვალდებულებას – დაიცვას კონფიდენციალურობა დამკვეთის მიერ მოწოდებულ თუ სერვერზე განთავსებულ მასალებზე, არ შეინახოს და არ გაავრცელოს ისინი დამკვეთის ნებართვის გარეშე.

9. დავების გადაწყვეტის წესი

9.1 მხარეები იღებენ ყველა ზომას, რათა ამ ხელშეკრულებიდან წამოჭრილი ყველა დავა, ანდა წინააღმდეგობა გადაწყდეს მოლაპარაკების გზით.

9.2 სადაო საკითხების მოლაპარაკების გზით გადაწყვეტის შეუძლებლობის შემთხვევაში, მხარეებს გააჩნიათ უფლებამოსილება მიმართონ სასამართლოს და გადაჭრან სადაო საკითხები საქართველოს კანონმდებლობით დადგენილი წესის თანახმად.

9. დასკვნითი დებულებები

10.1 წინამდებარე ხელშეკრულება ძალაში შედის 2016 წლის 30 დეკემბრიდან და მოქმედებს 2017 წლის 30 აპრილის ჩათვლით.

10.2 წინამდებარე ხელშეკრულების პირობების ნებისმიერი ცვლილება უნდა გაფორმდეს ქართულ ენაზე, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.3 ხელშეკრულება შედგენილია ქართულ ენაზე, ორ, თანაბარი იურიდიული ძალის მქონე ეგზემპლარად.

10.4 წინამდებარე ხელშეკრულება რეგულირდება საქართველოს მოქმედი კანონმდებლობით.

“შემსრულებელი”

შ.პ.ს. “პრო-სერვისი”

ს/კ 204929168

მის.: ქ. თბილისი, ი. აბაშიძის 42

ს/ს „თი-ბი-სი“ ბანკის ც/ფ

ბ/კ TBCBGE22

ა/ა № GE28TB0600000303467561

რევაზ ხატორიშვილი
აღმასრულებელი დირექტორი



“დამკვეთი”

სსიპ „ვანო ხუხუნიაშვილის სახელობის
ეფექტიანი მმართველობის სისტემის და
ტერიტორიული მოწყობის რეფორმის ცენტრი“
ს/კ 204504875

მის: ქ. თბილისი, ალ. ყაზბეგის გამზ. 12
საბანკო რეკვიზიტები: სახელმწიფო ხაზინა
ბანკის კოდი TRESGE22,
მიმღების ანგარიში N200122900

შოთა ქათამაძე
დირექტორის მოვალეობის შემსრულებელი

